

潞城縣志

卷三

記一

山水記

濁漳至縣得潞水之各環縣三面而太行橫互其南
羊頭之阨潞口之陁皆其外障也其西則川原衍沃
迤爲坡陀起爲岡阜而北而東曲循漳岸與南山相
屬蓋上黨踞太行之形勝而潞川又上黨之奧區也
今詳其脈絡原委以渠堰井泉附之述山水記第十
三

大禹山壺口山之北支也壺口故關也當郡城之左迤

而東爲北珏山入平順界迤而北爲百穀山入潞城界
山有禹廟故名北距縣城十里

府志山高八百九十三丈北連廬山南連長治百穀
山上建廟邑人申仙遇葛仙翁於大禹山授太陰鍊
形之術後祀城東二里白鶴觀金明昌五年秦知
常有碑記詳金石
又北曰廬山高六里上有盧醫廟北距縣五里

府志山頂有風洞深不可測土人旱則往祈風夏秋
旱則祈西北風冬春旱則祈東南風向洞拜禱取其
方之土而供之風至雨亦隨至縣八景有廬山疊翠
黃洪輝秋日友人邀飲廬山詩五首秋山岑寂麥雲
香招我浮觴對夕陽曠論直窮天地始奇詩應發古

今藏太行俯視參差遠潞水交流屈曲長聯袂登高
幽興愜相期沉醉菊花黃山勢蜿蜒接太行登臨
直得傲羲皇五龍氣遶南岡雨三晉人浮北海觴司
馬文章遊處好王生詞賦醉中狂相期更有黃花約
莫謂并州非故鄉相攜樽酒到廬山俯仰登臨意
白閒孤鶴舞回飄白扇遠峰列峭點青鬟雖無佳句
酬飛鳥僅有深林解客顏沉醉不堪還跨蹇暮雲留
我宿重關呼朋羅列坐高岑有酒盈壺喚淺斟隴
樹枯榮因甚感岫雲來往自無心伏牛爽氣連朝暮
微子清風耐古今莫厭荒巖秋色薄山靈有意藉佳
吟爲向山亭送酒來掃雲移石坐青苔參差隴色
花如繡縹緲煙嵐秀可裁陽鳥盤空書古字晚霞散
影覆餘杯巖深不辨歸時路帶得新題蹇上推又
自廬山歸再作秋山清如畫秋色媚如煙遠望不
可卽獨立思惘然賴有二三子邀我遊山巔輕風蕩
午日暑氣薄雲天掃石坐苔冷看山點翠妍麥花鋪
煖綉野草席寒毡俯覽高飛鳥平沈低處田羊腸知
徑仄鷄韻度山前雲起浮還岫天垂接下泉五龍南
望遠雙鳳北眸懸微子清風在衛公偉烈延太行如
衣帶淖水自聯綿無影岡同釜神頭山似蟬葛翁井

水洲介子野田鮮東谷晴嵐靄西流晚渡旋石牛賦
伏地城斗掛長阡日欲窮千里身登俯一椽固關天
懸絕井陘鳥飛還汾水秋風起潞河怪石穿山山堆
撮土樹樹蔽重淵萬籟聲俱寂眾芳色可憐晉雲聯
北極陝地接西川表裏山河壯古今賢聖傳唐風仍
樸陋夏甸更安全俗儉勤耕稼居停穴土埏曠觀心
自得豪興物相便舉酒澆無際呼朋飲若仙登高一
長嘯聲振月光圓縣丞劉芳猷遊廬山小酌東
山野興幽無邊烟樹共深秋斜陽照破林間雨稚子
歌回隴上牛千里畫圖隨眼得一川景物藉詩酬疏
狂忘卻身為吏極頂凌風坐石頭知縣馮惟賢詩
翠壁層巒接太行盈眸山色鬱蒼蒼神醫覽勝來遊
此登嘯應添潞水長張士浩詩飲畢長桑上翠
巔山深藥草自芊芊神盧丹竈愁空絕剩得林間萬
疊烟邑人王調鼎登廬山詩指點諸巒入黛溲
刈陵地勝此雌曉晴開新雨雲還淫秋滿平林颺已
驕傍水盤阿只澹瀲樓蟬疎柳轉蕭條一番登眺情
無限鳥哭寒風過古橋嵌岩疊繞擁嬰兒峯上相
傳十代醫病在人材何藥起氣藏神嶽豈符遲伏牛
久道今應瑞彩鳳曾來舊是奇試向峩峩爲一問山

川不信
媚無時

又東過南曰葛井山高五百二十四丈袤二十五里相傳葛洪師事鮑元鍊藥於此巔有葛井今在圓寂寺西北距縣二十里

舊志縣八景有葛井寒泉

知縣馮惟賢詩

圓寂招

頭千章茂栢凌霄漢抱樸丹爐此地留

張士浩詩

芝房乳石訪仙家綠井寒流泛玉華一滴勝求雲表露不須勾漏養丹砂

其北曰伏牛山在縣東十五里魏地形志云刈陵有伏牛山卽此也

玉海唐中宗景龍間明皇爲上黨別駕黃龍會兩見

於伏牛山潘炎作賦以記之

賦曰龍之來兮乘其陽

至兮歸有德符於黃兮土之色精曜曜光雄雄上不

在天兮接於物下不在田兮蟠於空列四靈習稱其

首居五位色表其中將銜甲以無比與負舟而不同

明皇家之王氣符歷數於聖躬飛煙噴霧若動若顧

聲雖獵獵非同三尺之劍色乃煌煌下映五花之樹

誠帝王之嘉兆甯朝夕之可遇何螭螭之足言諒騰

黃之匪喻同翠龜兮薦綠圖彰大人兮告元符覽史

墨之言未之聞也驗登殷之祀不其然乎黃龍再

見賦曰龍之見也春分而登於天龍之潛也秋分而

入於川假崇山而再見應元聖而通淵螭變孤蟠雲

霧四發日中精耀光飛列缺之火領下珠懸色奪蟾

蜺之月方將游彼池園豈徒止於郊野非同上天之

五蛇有異渡江之一馬孫權象之而置於軍中魏南

範之而在於殿下永言於此我異是宜秦王之夢立

乎廊時漢后之時見於成紀彼皆一至此則重光采

色炫燿文明焜煌錯甲鏤鱗既以來乎字分官紀號

可以表其祥超紫鳳於丹穴越青鸞於女牀龍德相

承而無悔天家久而蕃昌

舊志山高百八十丈袤五里周十二里知縣馮惟賢
八景詩序云相傳黃龍見此少頃則見牛食民田其
說似誕然今廟下有石牛迹民時祭之亦足奇者
又東北曰微子嶺距縣二十里微子城在焉上有三仁
祠其北十里爲神頭嶺有李衛公祠

舊志嶺高二里斜延十里下有微子村相傳微子封
於此其食邑也

李公弼過微子嶺詩路穿雲霄躡層岡稍下彌高十里長瀾底攢星分水

石谷中行蟻辨牛羊奇峯巉刻瞻熊耳亂壑奔瀉濁漳咫尺靈源雖不到空餘俗眼羨青蒼

縣八景有微子清風神頭煙樹

張士浩詩商賢祠廟此流芳陣陣清風起

廟傍夜裏悽聲偏浙瀝朝來寒嶺獨蒼茫黍離賦就悲千載祭器攜歸淚幾行試向城東一眺望斷烟蕉

草剩秋光 又絕句云潞水清風兩鬢然古人不死
此心傳情知白馬賓王後商祀能存六百年 馮惟
賢詩序神頭在縣東三十里許石山煙鬱古樹蒼然
山畔有李衛公廟廟前石橋說者謂衛公昔日駐兵
於此所移詩云烟鎖靈宮景色鮮修槐翠柏影翻
行人過此知多少猶話神兵伏嶺前 張上浩詩勝
蹟神頭獨占芳杏然瑞靄鬱蒼蒼千章掩映霞添景
萬樹霏微墨是裝雨漬青苔迷草色雲間碧障弄烟
光登臨還向石橋望儒將風流姓字香 又絕句云
古木參差積翠遙衛公祠廟晚蕭蕭英風何地還堪
覓氣吐虹霓作石橋

葛井山之陽曰聖母谷在縣東南三十里相傳衛公行

雨處也有聖母祠宋進士張孝先撰碑文紀其事碑今

存

以下諸山
舊屬平順

按縣西南有起雲臺亦傳爲衛公行雨處其事之有

無皆不足辨而潞屬各縣公祠林立村民祈禱無虛日蓋自宋時已然

又南曰廣武山在東禪村相傳廣武君葬此又有獅子山以形得名南與長治之北珏山界

案寰宇記李左車墓在趙州西七里

又東曰大巖洞曰小巖洞

府志俱在舊平順縣西洞有水

又東曰五馬門見魏書地形志南與壺關分山北距縣五十里

案地形志壺關有五馬門今南五馬村屬壺關北五

馬村屬縣並平順舊疆也唐書宰相世系表令狐範
秦太原守五馬亭侯在壺關三老令狐茂之前似其
地卽秦時之亭因山隘而有門之稱耳

又東曰青羊山平順鄉北城所倚也曰彩鳳山在城南
曰蔥蔚山在城東

平順舊志青羊山以形似名植柏青翠彩鳳山在縣
南拔巒似鳳頭附岫似鳳翼蔥蔚山在縣東三里懸

崖峭壁松柏青翠

邑人王升輦青羊詩云谷遂花先
發峯危月上時綠蓑鋪白石喜殺

牧羊兒

扶溝杜之叢登青羊南山詩冰衙對面翠

屏開柱杖直登絕頂來石磴雪殘留虎迹峯頭松老

結龍胎行山西望分千壑漳水東流曲幾迴遙指帝

京層嶂聳振衣長嘯暫徘徊自注時以計偕赴都

又東曰青子洞亦曰七子洞

平順舊志在青羊里俗傳唐太宗第七子避難洞中
又東曰虹梯山西距縣百二十里山連林縣之大頭山
山海經所謂神囷之山或云卽魯般門上有關道通河
南今設巡檢司

水經註倉谷水出林慮縣之倉谷東北經魯般門西
雙闕昂藏石壁霞舉左右結石修防崇基仍存北徑
偏東卽林慮之嶠嶺抱犢固也石墮西陞陟踵修上
五里餘嶠路中斷四五丈中以木爲偏橋畧得通行
自上猶攀蘿捫葛方乃自津山頂卽庾袞眩墜處也

山海經神國之山黃水出焉而東流注於洹郭註洹

水出林慮縣東北

水經註隆慮縣有黃花水出於神國之山黃花谷北崖上其水東流

葦泉水註水出林慮山北澤中東南流與雙泉合泉出魯般門東下流入葦泉水又東南流注黃花水謂之陵陽水又東入於洹水也

案鄭註兩言魯般門一爲倉溪水所經其水入漳一

爲雙泉水所出其水入洹其地當虹梯之東距林縣

爲近惟庾袞眩墜之地晉書謂之大頭山黃花水之

上源山海經謂之神國山斯則與虹梯爲近

關以北之水多

歸漳以東之則舉山之統名足以概之魯般門特其

水入黃華谷

夏言虹梯關銘玉峽西來百餘里近蟠尖寨

一隘耳

千峯壁立中

通峭峽狀如風門而小下則無底之壑石磴齒齒盤迴霄漢望之若虹霓然比歲青羊之寇憑負以拒沐師者此也故號洪梯子易以今名亦因以闢焉從而銘焉石崖攀天仄磴千迴仰千塞明俯臨蔽靈鐵壁勾連豁豁中開觀者駭魄行子心摧互如長虹橫絕天階彼昏者氓肆其喧阓爰據培塿以抗震雷卒於大刑亦孔之哀太行之阿大河之隈關門弗嚴維帝念哉北山有石南山有材經之營之突焉崔嵬侍臣作銘以詔後來

青羊山之北曰石龍洞又北有馬鞍虎頭二山並以形似名又北卽微子嶺也

府志馬鞍山在縣東二十里東五谷里虎頭山亦在

東五谷

右漳東諸山在縣南境及平順鄉者

其在縣西南平原中三阜突峙者曰三垂岡岡表九里高三百五十二丈

寰宇記在縣西二十七里前趙劉聰遣將喬衷攻晉上黨太守龐和於壺關晉平北將軍王廣韓柔救之聰將喬衷敗之於三垂

五代史李克用破孟方立於邢州還軍上黨置酒三垂岡伶人奏百年歌至於衰老之際聲辭甚悲坐上皆悽愴時存勗在側方五歲克用慨然捋鬚指而笑曰吾行老矣此奇兒也後二十年其能代我戰於此乎天佑五年卽王位梁夾城兵問晉有大喪頗懈王

乃出兵趨上黨行至三垂岡歎曰此先王置酒處也

會天大霧晝暝攻其夾城破之梁軍大敗凱旋告廟

袁枚三垂岡詩太原西行五百里馬頭一片陣雲起

路人手指三垂岡行客心憐李亞子乃翁仗劍沙陀

來黃蛇遠遁關開氣吞朱三力不足電光照耀龍

一目李花吹落風淒淒十六宅王口呼飢官家不聽

鴛兒語統千山頭東雀飛邢州還軍上黨行萬馬立

月霜毛明酒中照見白髮生英雄老矣難爲情將軍

鼓瑟伶人唱老淚珠光滿貂蟻膝前五歲有奇兒欺

髯一指心還壯劉家夫人抱兒去張家老奴共兒佳

兩美真存緩軍心七哥苦積監軍賊十年郎主戰袍

新重過先王置酒處三箭高懸太廟京一年一戰報

先王幽州兒女朱絲繫汴水君臣白馬降初心雖負

輕移鼎國魏依然不改唐生兒如此尙何憂漢有孫

郎足與傳此外英雄那堪老百年歌唱淚空流張

承綸三垂懷古云傳舍新易吏仙李枯欲死亞子真

英雄劍痛還三矢乘間趨上黨憂勞自斯始先王置

不貞豈曰非有子我過三垂岡山晚墟煙紫轉憶紹
興初灑淚濁漳水范鼎詩戰伐先王語荒岡感再
過情深三矢謝淚下百年歌段柳煙埋樹漳源雨送
波此生靡失節忠義惜沙陀嚴松齡詩英雄立馬
起沙陀奈此朱梁蹶扈何隻手難扶唐社稷連城且
擁晉山河風雲帳下奇兒在鼓角鏗邊老淚多蕭瑟
三垂岡畔路至今人唱百年歌

其東有小阜曰無影岡在縣南十里

舊志岡高三十丈周二里突起一邱形如覆釜八景

有無影邱岡

馮惟賢詩大岩陶形每忌全危巒深處
獨夷然雖無青影依紅日剩有丹衷拱

碧天

又北曰鳳凰山亦曰天塚山上有玉女泉在縣西北五

里

府志高三百三十二丈袤十二里相傳神農時鳳凰
集此地形志屯留鳳凰山一名天塚山是天塚古屬
屯留也縣八景有天塚鳴鳳

張士浩詩阜蓋車前振翼飛九苞留得北山輝

卽今梧葉蕭蕭下彷彿朝陽見羽衣

又北迤東曰龍山亦曰金龍山迤西曰武王山卽武王
鳴也上有祠

舊志龍山在縣西北二十里高三百五十九丈北連
馬鞍南接鳳凰蜿蜒曲折峯巒高峻武王鴈詳前考
又北曰馬鞍山以形似名在縣西北五十里

府志高九百八十丈名小馬鞍山在黎城西南者名